

Uphiko lokuphenywa kobugebengu lwe-IRS noSARS bakha umbimbi lokulwa nobugebengu bamazwe omhlaba

WASHINGTON & PRETORIA – Uphiko lokuPhenywa kwamaCala oBugebengu eMali eNgenayo lwamaZwe omHlaba i-(IRS-CI) neminyango yokuphoqelela imithetho yoPhiko lweziMali eziNgenayo eNingizimu Afrika (uSARS) bakha umbimbi lokulwa nobugebengu bentela nomnotho okuthinta womabili amazwe.

I-IRS-CI neSARS CI zisebenzisana ngokubambisana ekuhlonzeni, ukuphenya kanye nokuletha ubulungiswa emacaleni ngokuxhumanisa amazwe omabili. Amanye amacala aphenywayo afaka phakathi inkohlakalo yohulumeni wamazwe omhlaba, inkohlakalo kuintanethi, kanye nokukhwabaniswa kwemali. Lokhu kusebenzisana okusha sebubambe izikimi ebezisaqalwa ezikhuthazwa abagqugquzeli, ongoti bemisebenzi, kanjalo nezikhungo zezimali.

“Ukulwisana nobugebengu bezimali emhlabeni wonke akuyona impi engaliwa yizwe elilodwa. Ukusebenzisana kwethu noPhiko lweziMali eziNgenayo eNingizimu Afrika maduze kuzoveza imiphumela yalokhu kusebenzisana okube yimpumelelo ngenxa yombimbi lwethu oluqinile nemizamo yokusebenzisana,” kusho uGuy Ficco, uMqondisi weMisebenzi yoMhlaba we-IRS-CI. “Abakhokhintela nongoti bentela abasebenzisa izikimu zaphesheya nezinye izikimu ngenhloso yokugwema intela yase U.S. nemithetho yaseNingizimu Afrika bazobanjwa bashushiswe babhekane nengalo yomthetho.”

“USARS uyakwemukela ukusebenzisana ne-IRS, ikakhulukazi njengoba sivuselele ukugxila kwethu ekungathobelini kwalabo abadla izambane likapondo nalabo abanempahla ephesheya. Okunye kwesikuphokophele ukwenza kube lula kubakhokhintela ukuba zithobele izibophezelo zabo zentela futhi sikwenze kube nzima futhi kumbe eqolo kulabo abangazimisele ngokuthobela,” kusho uKhomishana wakwaSARS, u-Edward Kieswetter. “Sethemba ukuthi lokhu kusebenzisana kuzothela izithelo ezinhle, uma kuhlanganiswa amakhono esinawo ngaphakathi njengoba silwisana nezenzo ezingemthetho ezithinta amazwe omabili.”

Okukhulu ngalokhu kusebenzisana phakathi kwamazwe omabili kubandakanya isinyathelo sokuqhubeka nokuqeqesha okuholwa yi-IRS-CI. I-ijensi yentela yase-U.S. iyaqhubeka nokwabelana ngezindlela zokuphenya izindaba zezezimali, ukuqeqesha izisebenzi eziphoqelela umthetho waseNingizimu Afrika kanye nezisebenzi zikahulumeni nokuqhakambisa izindaba ezike zavela ezinkantolo ahambisana nalamazwe omabili.

Ekuqaleni kwalenyanga, i-IRS-CI ibibambe umhlangano wokuqeqesha ngokugwema intela phesheya kuzisebenzi zokuphoqelela umthetho ezingama-40 zakwaSARS. Ukuqeqesha kuveze isikimu esiyinkimbinkimbi okuqhakambisa amazinga aphezulu obugovu, inkohliso, nokukhohlakala okwenziwa amabhizinisi. Ukuqeqesha kubandakanya izindawo eziningi zobugebengu bezimali obusemhlabeni wonke obugxile ezikimini zokubhanga phesheya, ukugwema intela, kanye nokwakhiwa kozungu.